

# URUMEAKO Kronika

2017/01/17



PDF

**HERNANI** Urtarrilak 17



Sagardogile eta erakundeetako ordezkariak, bat eginda.

[albisteak](#)//TXOTXO IREKIERA 2017 EUSKAL SAGARDOA

## «Nolako sagarra, halako sagardoa»

*Bertako sagardoa, bertako sagarrarekin egin bultzatzeko asmoz sortu dute Euskal Sagardoa jatorri-izendapena; zigilu berria lortuko dute %100 lehengai autoktonoa eta kalitate-bermea duten sagardoek. Horrez gain, Gorenak marka publiko egin dute, han-hemengo sagarrak erabiliz, kalitatea bermatuta daukaten sagardoentzat.*

### HERNANI HERNANI

2017/01/14 00:00 Larunbata

Bertako sagardoa, bertako sagarrarekin egin hori da, hain zuzen, Gipuzkoa, Bizkaia eta Arabako sagardogile eta erakundeen etorkizunerako nahia eta erronka, eta bide horretan, aurrerapausu

haundia eman dute txotx denboraldi berriaren hasiera honetan. Jatorri-izendapena sortu dute, Euskal Sagardoa markapean, eta Gorenak marka pribatua ere, publiko bihurtu dute. Sagardogintzan emango den «aldaketa haundi» hau aurkeztu eta azaltzeko astelehenean bildu ziren sektorearen eta erakundeen ordezkariak Donostiako Kursaal, denen arteko batasuna eta elkarlana ikustarazteko. Bertan izan ziren, besteak beste, Bittor Oroz, Eusko Jaurlaritzako Nekazaritza, Arrantza eta Elikadura Politikako sailburuordea; Eduardo Aguinaco, Arabako Foru Aldundiko Nekazaritza diputatua; Ainhoa Aizpuru, Gipuzkoako Foru Aldundiko Ekonomia Sustapena, Landa Ingurunea eta Lurralde Oreka diputatua; Lucía Isla, Bizkaiko Foru Aldundiko Nekazaritza zuzendaria; eta Unai Agirre, Euskal Sagardoa jatorri-deituraren koordinatzailea.

## **Bi marka publiko, merkatuan**

Hemendik aurrera, beraz, erreferentziazko bi marka publikoan merkaturatuko dira Gipuzkoako, Bizkaiko eta Arabako sagardoak: Euskal Sagardoa, batetik; Gorenak, bestetik.

Unai Agirre koordinatzaileak aurkezpenean azaldu bezala, Euskal Sagardoa zigiluarekin identifikatutakoek bi ezaugarri izango dituzte: «%100 bertako sagarrarekin eginak egongo dira, eta kalitate-bermea izango dute». Marka berriak «Eusko Label markaren testigua hartu du, aldaketa txiki batzuekin, eta beste sagardotegi ugari ere batu dira bertan, beraien ekarpenak eginda», azpimarratu zuen Agirrek.

Bestalde, Gorenak, hemendik aurrera marka publiko denaren sagardoa, aldiz, izango da «bertan egina, han-hemengo sagarrarekin, eta kalitate-bermea duena».

Egitura hau, hau da, bi marken elkarbizitza hau 15 urteko eperako izatea espero da, Bittor Oroz Sailburuordeak adiera zuen modura: «helburua da kanpoko sagarra gutxiago ekartzea, eta etorkizunean sagardoa %100 bertako sagarrarekin egitea». Eta bide horretan, Euskal Sagardoa jatorri-izendapena onartu izana, «aurrerapausu bat besterik ez da; pausu garrantzitsua, hain zuzen, sektorearen etorkizuna bermatzeko». Hori lortzeko, 200-350 hektarea berri gehiago beharko lirateke. Kalitatea bermatzeko, HAZI Fundazioak ziurtatuko ditu bi marken prozesuak, «merkatu lehiakor batean kontsumitzaileari kalitatezko produktuen hautua egiterakoan, segurtasuna eskaintzeko».

## **Aurreneko botilak, udaberrirako**

Jatorri-izendapena, eta horri lotutako irudia astelehenean aurkeztu bazuten ere, aurreikuspenen arabera, udaberrirako egongo dira prest Euskal Sagardoa zigiluarekin salgai jarriko diren aurreneko botilak. Horretarako, «jatorri-izendapenera bideratuta 1.320.000 litro sagardo egin dira, Euskadiko produkzioaren %12 inguru», azaldu zuten.

Dena den, aste honetako txotx denboraldiaren hasierarekin batera, dagoeneko identikatu dituzte Euskal Sagardoa bezala salduko diren kupelak. Horiek zein diren ere, erraz jakin ahal izango dute sagardotegietako bezeroek, Euskal Sagardoaren irudi berriaren bitartez.

Egun 35 sagardotegik egin dute bat Euskal Sagardoarekin, tartean, Hernaniko lauk, eta Astigarragako zortzik. Era berean, argitu zuten «beste hainbat sagardotegik ere aurkeztu dutela asmoa», baina aurtengo uztaren ezaugarriengatik ezin izan dutela sartu.

Bestalde, 12 sagardogilek osatzen zuten Gorenak marka pribatua, eta hemendik aurrera, egungo aldaketekin, sagardotegi gehiago batuko direlakoan daude.

## **Sektorearen eta erakundeen arteko elkarlana, ezinbestekoa**

Denen arteko elkarlana izan zen ordezkari guztiek, bai sektorekoek baita erakundeetakoek ere,

gehien nabarmendu zutena. Bi norabidetan azpimarratu zuen Ainhoa Aizpuru Gipuzkoako Foru Aldundiko diputatuak: «batetik, administrazio guztien arteko elkarlana eta koordinazioa; eta bestetik, sektorearen beraren elkarlana eta batasuna».

Bigarren hori nabarmendu zuen, batez ere, Bittor Oroz sailburuordeak, ibilbidea sagardogileek beraiek hasi baitzuten: «sektoreak aurkeztu zion jatorri-izendapenaren proposamena Arantza Tapia sailburuari irailan». Eta ordutik zortzi erakunde eta elkartek landu dute Euskal Sagardoa zigilua, eta bertan, sagardoaren sektorea %100 egon da ordezkaturik: Gipuzkoako Sagardogileen Elkartea, Sagardo Mahaia Elkartea, Bizkaiko Sagardogileen Elkartea, Fruitel Sagarzale Elkartea, eta Bialka Sagarzaleen Elkartea.

Hau hasiera besterik ez dela argi utzi zuten denak, baita Orozek berak ere: «guztion lana izango da honi arrakasta emango diona; elkarlana beharrezkoa da, baita kontsumitzailearen lana ere».

Elkarlan horretan «kate osoarekin lan» egin nahi dute; hasi lurren jabeetatik, Foru Aldundietatik hain zuzen, sagar-ekoizleekin jarraitu, eta sagardogileak arte.

## **2016an hasiera, Sagarrondoak Landatzeko Planari**

Kate horretan, Gipuzkoa, Bizkaia eta Arabako sagardogileek egin dutenaren antzera, Gipuzkoako Foru Aldundia ere, haziak jartzen hasi dela adierazi zuen asteleheneko aurkezpenean Ainhoa Aizpuru Gipuzkoako Foru Aldundiko Ekonomia Sustapena, Landa Ingurunea eta Lurralde Oreka diputatuak: «aurreko urtean, 2016an, hasi genuen Sagarrondoak Landatzeko Plana, izan ere, bertako sagarrondoak bultzatu nahi ditugu, bertako sagardoa eskaini ahal izateko». Ildo horretatik, sektorea bultzatzeko lanean jarraitzeko asmoa luzatu zuen Aizpuruk. Izan ere, antzinako esaera sagardogintzara ekarri eta adierazi zuen: «nolako sagarra, halako sagardoa».

# **Datu esanguratsuenak:**

## **- Euskal Sagardoa jatorri-deitura landu duten elkarteak:**

Gipuzkoako Sagardogileen Elkartea, Sagardo Mahaia Elkartea, Bizkaiko Sagardogileen Elkartea, Fruitel Sagarzale Elkartea, eta Bialka Sagarzaleen Elkartea.

## **- Izena eman duten 35 sagardotegiak: Gipuzkoatik:**

Aburuza (Aduna), Aialde Berri (Usurbil), Alorrenea (Astigarraga), Altzueta (Hernani), Añota (Azpeitia), Astarbe (Astigarraga), Barkaiztegi (Donostia), Begiristain (Ikaztegieta), Bereziartua (Astigarraga), Eula (Urnieta), Gartziategi (Astigarraga), Gurutzeta (Astigarraga), Iparragirre (Hernani), Iruretxiki (Zestoa), Isastegi (Tolosa), Itxasburu (Hernani), Izeta (Aia), Lizeaga (Astigarraga), Oiharte (Zerain), Ola (Irun), Olagi (Alzaga), Otatza (Zerain), Petritegi (Astigarraga), Saizar (Usurbil), Satxota (Aia), Tximista (Ordizia), Txindurriturri (Deba), Zapiain (Astigarraga), Zelaia (Hernani). Bizkaiatik: Axpe (Markina-Xemein), Eguskitza (Gatika), Etxebarria (Gatika), Laneko (Gizaburuaga), Uxarte (Zornotza). Arabatik: Iturrieta (Aramaio).

## **- 115 sagar-mota, izendapenean onartuta:**

Aia, Altza, Ama Birjiña, Ami Sagarra, Anarregui, Andoain, Añarre, Aranguren, Arantzate, Areso, Ari-masagasti, Astarbe, Aizpuru Garrantza, Aizpurua Sagarra, Begi Zabala, Berandu Erraineta, Berrondo,

Billafrankie, Bizkai Sagarra, Bostkantoi, Burgo, Burgo Sagarra, Burni, Buztin, Dominixe, Enpan, Enpan Sagarra, Errege, Errezil Sagarra, Errezila, Gazi Zuri, Gazi Zuria, Gazia, Gaziloka, Gezamina beltza, Gezamina, Goikoetxea, Goozti, Gorri Txikia, Greñas, Haritza, Ibarra, Ilunbe, Intxausti, Limoi, Manttoni, Manzana de Quesillo, Udare-Sagarra, Martiku, Maximela, Mendiola, Merabi, Merkalina, Mikatza, Milasagarra, Mocetas, Moko, Mokote, Moliua, Mozoloa, Muxugorri, Muzuzabal, Odixa, Orkola, Orri Zarraute, Oru Sagarra, Ostro Beltza, Palacio, Palancaya, Patzulo Gorria, Patzuloa, Perran Sagarra, Piko Sagarra, Potrokilo, Sagar Beltza, Sagar Gorria, Sagar Txuria, Saltxipi, Saluetia, Santa Ana, Sulei, Txalaka, Txarba, Txitu, Txistu Sagarra, Txori Haundia, Txori Sagarra, Txotixe Sagarra, Txurten Luze, Udare, Udare Marroi, Udare Txuri, Udare Zuria, Ugarte, Urdan Iturri, Urdin, Urdin Sagarra, Urkola, Urtebeta, Urtebete, Urtebi Haundi, Urtebi Txiki, Verde Agria, Zubieta, Zuri Txikixe, Pelestrina, Kapandoja, Telleri Sagarra, Azpeiti Sagarra, Bizi, Zuzen, Legor, San Francisco.

## Txiokatu

Izena\*

Eposta helbidea\*

Iruzkina\*

Captcha\*

Bidali

Aurreikusi



GEHIGARRI BEREZIA

PDF



 PDF

**HERNANI**

Urtarrilak 17

## Agenda Bateratua

//Erabiltzaileak

## Puri-Purian

*Bi urteko haurrak ... (1)*

---

*Zientzia eta kultura ... (1)*

---

*Etxebizitza duina? (1)*

---

*Jan-edan eta musikaz ... (1)*

---

*Salba dezagun Iruña-Veleia (1)*

---

*«Elkartearen helburua da ... (10)*

---

*Magia eta ilusioa, ... (2)*

---

*Arte plastikoak sustatzeko, ... (1)*

---

*Artista plastikoei, laguntza ... (1)*

---

*Egitarau bateratua, oporrak ... (2)*

---

## Gida komertziala

Q Komertzio bat bilatu

Bilatu

### Iragarki merkeak

*ETXEKO KONPONKETAK egiten dira; iturgintza, elektrizitatea, pintura, berogailuak, persianak... Seriotasuna.*

**Telefonoa: 616886660**

*Iñigo Royo Masajista. Masajea, naturopatia, osteopatia, kinesologia, reiki, homeopatia, akupuntura... (Agustindarren plaza, 4)*

**Telefonoa: 943332894**

+ Ikusi

Tweets por @KronikaNet

**Gaur**



6°

1°

**Bihar**



2°

-1°

**Etzi**



4°

-3°

[Aemet](#) eskainitako datuak

### Azken argazkiak



Ura atera da Urumea ba...



Astigarragako Txotx Ir...



Wukroren aldeko IV. Sa...



Gabonak 2016



Oroimena berreskuratuz



Txantxillako Festak 2016

## Azken bideoak



Hernaniko Gazte Olinpiadak 2016



Mahai ingurua, alkategaiekin



Korrika 19 - Hernani / Astigarraga



Korrika Txikia 2015



Uholdeak Urumea bazterretan



Hernanik 1000 urte

**ARGITARATZAILEA**



**ZEIN GARA**



**KONTAKTUA**

Larramendi kalea 11 - Hernani 20120

Telefonoa: 943 33 08 99 / 688 660 714

E-maila: [kronika@kronika.eus](mailto:kronika@kronika.eus)

[astigarraga@kronika.eus](mailto:astigarraga@kronika.eus)

[urumea@kronika.eus](mailto:urumea@kronika.eus)



**LAGUNTZAILEAK**



**DOBERA  
KRONIKA  
BAZKIDEAK**

Legezko oharra